

DEDDF IECHYD ANIFEILIAID 1981

GORCHYMYN TWBERCWLOSIS (CYMRU) 2010 (O.S.2010/1379) (FEL Y'I DIWYGIWYD)

TRWYDDED GYFFREDINOL I SYMUD ANIFEILIAID BUCHOL NA CHYNHALIWYD PRAWF TWBERCWLOSIS ARNYNT CYN EU SYMUD O SIOE AMAETHYDDOL SYDD HEB EI HESEMPTIO YN ARDAL TB CANOLRADD NEU UCHEL CYMRU

Yn unol ag erthyglau 13 a 23 o Orchymyn Twbercwlosis (Cymru) 2010 (fel y'i diwygiwyd), mae Gweinidogion Cymru drwy hyn yn awdurdodi, drwy'r drwydded gyffredinol hon, symud anifeiliaid buchol na chawsant prawf croen cyn symud â chanlyniadau negyddol heb fod yn fwy na 60 diwrnod cyn eu symud, o sioe amaethyddol heb ei hesemptio yn ardal TB Canolradd neu Uchel Cymru (fel y'i diffinnir yng Ngorchymyn Twbercwlosis (Cymru) 2010), cyn belled ag y cedwir at amodau'r drwydded hon.

Daw'r drwydded hon i rym am 00:01 o'r gloch ar 30 Gorffennaf 2018

Llofnodwyd gan  O dan awdurdod Ysgrifennydd y Cabinet dros Ynni, Cynllunio a Materion Gwledig, un o Weinidogion Cymru.

Dyddiedig 30 Gorffennaf 2018

Amodau:

- 1) Daw'r anifeiliaid yn wreiddiol o fuches yn Ardal TB Isel Cymru, Ardal Risg Isel Lloegr, neu'r Alban.
- 2) Ni chaniateir symud unrhyw anifeiliaid buchol i'r eiddo nac oddi yno pe bai symudiadau o'r fath yn groes i unrhyw gyfyngiadau eraill sydd yn eu lle oherwydd clefyd hysbysadwy arall adeg y symud arfaethedig.
- 3) Mae peidio â chydymffurfio ag amodau'r drwydded hon yn drosedd o dan Ddeddf Iechyd Anifeiliaid 1981.

Nodiadau:

- i) Y "Gorchymyn" yw Gorchymyn Twbercwlosis (Cymru) 2010 (O.S.2010/1379) (fel y'i diwygiwyd).
- ii) Ystyrir sioe amaethyddol yn un sydd wedi'i hesemptio os na fydd unrhyw anifeiliaid buchol yn aros ar faes y sioe am gyfnod o fwy na 24 awr neu os byddant yn cael eu cadw dan do ar faes y sioe (h.y. os cânt eu cadw mewn safle dan do ag ochrau iddo/heb ochrau, gan gynnwys pebyll, neu marquees).
- iii) Mae anifeiliaid buchol yn golygu gwartheg domestig o'r genws Bos, byfflo, neu fison.
- iv) Mae'r "Ardal TB Isel" yn golygu'r holl dir sydd wedi'i liwio a'i enwi fel yr ardal TB Isel ar y map a adnewyd o Ardaloedd TB Rhanbarthol Cymru.
- v) O dan Erthygl 13 o'r Gorchymyn:
 - (1) Ni chaiff unrhyw berson symud anifail buchol o unrhyw fangre oni fydd—
 - (a) prawf croen wedi ei gyflawni arno, ddim mwy na 60 diwrnodcyn dyddiad y symud; a
 - (b) bod canlyniadau'r prawf wedi eu darllen gan arolygydd neu filfeddyg cymeradwy, a'r canlyniadau hynny'n negyddol.
 - (2) Nid yw paragraff (1) yn gymwys i'r canlynol—
 - (a) anifeiliaid buchol sydd o dan 6 wythnos oed ar ddyddiad y symud;
 - (b) symud anifail buchol i le ar gyfer triniaeth filfeddygol, ar yr amod y'i dychwelir yn uniongyrchol i'w fangre wreiddiol ar ôl y driniaeth, neu y'i lleddir neu y'i hanfonir yn syth i'w gigydda;
 - (c) unrhyw symudiadau a bennir yn Atodlen 2; a
 - (ch) unrhyw symudiad a gymeradwyir gan Weinidogion Cymru.